

ՊԱՅՄԱՆԱԳԻՐ

**ՄԻԱՄՆԱԿԱՆ ՍՈՑԻԱԼԱԿԱՆ ԾԱՌԱՅՈՒԹՅԱՆՆ ԱՄՐԱՑՎԱԾ Բ. ԵՐԵՎԱՆ, ՍԱՍՈՒՆՑԻ
ԴԱՎԹԻ 87 ԵՎ 87Ա ՀԱՍՑԵՆԵՐՈՒՄ ԳՏՆՎՈՂ ՎԱՐՉԱԿԱՆ ՇԵՆՔԻ ՋԵՌՈՒՑՄԱՆ ԴԻՄԱՑ
ՓՈԽՀԱՏՈՒՑՈՒՄ ԻՐԱԿԱՆԱՑՆԵԼՈՒ ՎԵՐԱԲԵՐՅԱԼ**

ք. Երևան

«26» հունվարի 2022թ.

Էրեբունի վարչական շրջանի ղեկավարի աշխատակազմն՝ ի դեմս վարչական շրջանի ղեկավարի պաշտոնակատար Հակոբ Բալայանի, այսուհետ «Վարչական շրջան», մի կողմից և Միասնական սոցիալական ծառայությունը՝ ի դեմս գլխավոր քարտուղար Ազնեսա Աղաբաբյանի, այսուհետ՝ «ՄՍԾ» մյուս կողմից, հետագայում միասին՝ «Կողմեր», ղեկավարվելով ՀՀ օրենսդրությամբ, կնքեցին սույն պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

1.1. ՄՍԾ-ն պարտավորվում է կատարել ք. Երևան, Սասունցի Դավթի 87 և 87Ա հասցեներում գտնվող վարչական շենքի ջեռուցման գումարի փոխհատուցում (այսուհետև՝ Փոխհատուցում) Վարչական շրջանին՝ ըստ ամիսների և փաստացի ջեռուցված օրերի քանակի:

2. Պայմանագրի ժամկետը

2.1. Սույն պայմանագիրն ուժի մեջ է մտնում 2021 թվականի դեկտեմբերի 1-ից և գործում է մինչև 2023 թվականի մարտի 30-ը:

2.2. Պայմանագրով նախատեսված Փոխհատուցումը ՄՍԾ-ն վճարում է յուրաքանչյուր օրացուցային տարվա դեկտեմբեր ամսից մինչև մարտ ամիսը ներառյալ օգտագործված ջեռուցման համար:

2.3. ՄՍԾ-ի կողմից Վճարն իրականացվում է Վարչական շրջանի կողմից համապատասխան փաստաթղթերը ստանալուց հետո 3 (երեք) աշխատանքային օրվա ընթացքում՝ գումարը փոխանցելով 900025311615 հաշվեհամարին՝ նպատակ դաշտում նշելով «Վարչական շենքի ջեռուցման (գազ) գծով կոմունալ համավճար համապատասխան ամսվա գումար»:

2.4. Սույն Պայմանագրի գործողության ժամկետի ավարտին և յուրաքանչյուր դեպքում Կողմերի կողմից Պայմանագրի դադարեցման մասին որևէ ծանուցում չներկայացնելու դեպքում Պայմանագրի գործողության ժամկետը համարվում է երկարացված հերթական 1 (մեկ) ջեռուցման սեզոնով սույն Պայմանագրով նախատեսված պայմաններով և ժամկետներով:

3. Պայմանագրի արժեքը և վճարման կարգը

3.1. Սույն Պայմանագրով նախատեսված ջեռուցման համար սահմանված Փոխհատուցումը յուրաքանչյուր ամսվա համար հաշվարկվում է հետևյալ բանաձևով

$$X=G:4500 \times 190$$

Որտեղ «X»-ը ՄՄԾ-ի կողմից ամսեկան վճարվելիք գումարն է,

«G»-ն՝ ք. Երևան, Սասունցի Դավթի 87 և 87Ա հասցեներում գտնվող վարչական շենքի ընդհանուր տարածքի համար տվյալ ամսվա ընթացքում ծախսած գազի համար վճարման ենթակա գումարի չափն է,

«4500»-ը՝ ք. Երևան, Սասունցի Դավթի 87 և 87Ա հասցեներում գտնվող վարչական շենքի ընդհանուր տարածքի չափը՝ հաշվարկված քառակուսի մետրով,

«190»-ը Հայաստանի Հանրապետության միասնական սոցիալական ծառայությանը հատկացված ք. Երևան, Սասունցի Դավթի 87 և 87Ա հասցեներում գտնվող վարչական շենքի տարածքի չափը՝ հաշվարկված քառակուսի մետրով:

4. Կողմերի իրավունքները և պարտավորությունները

4.1. ՄՄԾ-ն պարտավոր է սույն Պայմանագրի 3.1. կետով հաշվարկված գումարը Պայմանագրի 2.3. կետով սահմանված կարգով փոխանցելուց հետո 1-օրյա ժամկետում վճարման անդորրագրի պատճենը ներկայացնել Վարչական շրջանի աշխատակազմի ֆինանսական բաժին՝ միաժամանակ էլեկտրոնային տարբերակը ուղարկել erebuni.finansakan@mail.ru էլեկտրոնային հասցեին:

4.2. ՄՄԾ-ն միջև փոխանցում կատարելը իրավունք ունի դիմելու Վարչական շրջանին և ծանոթանալու տվյալ ամսվա համար վարչական շենքի ջեռուցման համար վճարման ենթակա ընդհանուր գումարի չափի վերաբերյալ տեղեկատվությանը:

4.3. Վարչական շրջանը պարտավոր է սույն Պայմանագրով նախատեսված կարգով և սակագնով ՄՄԾ-ին ապահովել անհրաժեշտ ջեռուցմամբ:

4.4. Վարչական շրջանը պարտավոր է հաշվարկի ստուգման ճշտության համար info@socservice.am էլեկտրոնային հասցեին ուղարկել գազի ծախսի վերաբերյալ մատակարարի կողմից դուրս գրված հաշվի պատճենը՝ 3 կետում նշված բանաձևի միջոցով:

4.5. Վարչական շրջանը իրավունք ունի առանց կողմին տեղեկացնելու դադարեցնել ՄՄԾ-ի ջեռուցումը, եթե Պայմանագրի 3.1. կետով նախատեսված վճարումը ՄՄԾ-ի կողմից ուշացվել է է 2 (երկու) անգամ:

4.6. Սույն Պայմանագրով Կողմերն ունեն պահանջելու կատարել սույն պայմանագրով նախատեսված իենց պարտավորությունները:

5. Կողմերի պատասխանատվությունը

5.1. ՄՄԾ-ի կողմից սույն Պայմանագրով սահմանված ժամկետում չվճարելու դեպքում վճարվում է տույժ յուրաքանչյուր ժամետանց օրվա համար սույն Պայմանագրի 3.1. կետում նշված գումարի 0.15 (զրո ամբողջ տասնհինգ հարյուրերորդական) տոկոսի չափով:

5.2. Կողմերն ազատվում են պատասխանատվությունից, եթե պայմանագրի խախտումը պայմանագրի մյուս կողմի պարտավորությունների անպատշաճ կատարման կամ անհաղթահարելի ուժի ազդեցության հետևանք էր:

5.3. Կողմերը սույն Պայմանագրով նախատեսված տույժերը վճարելով և վնասները հատուցելով չեն ազատվում սույն Պայմանագրով նախատեսված իրենց պարտավորությունները լիվ ծավալով կատարելուց:

5. Այլ պայմաններ

6.1. Կողմերի համաձայնությամբ սույն պայմանագրի պայմանները կարող են փոփոխվել լրացուցիչ համաձայնագիր կնքելու միջոցով:

6.2. Սույն Պայմանագրի Կողմերի միջև ծագած վեճերը լուծվում են բանակցությունների միջոցով: Բանակցությունների արդյունքում համաձայնության չգալու դեպքում վեճերը լուծվում են ՀՀ օրենսդրությամբ սահմանված կարգով:

6.3. Սույն Պայմանագիրը կնքվում է երկու հավասարազոր օրինակներից, յուրաքանչյուր կողմին տրվում է պայմանագրի մեկ օրինակ:

7. Կողմերի իրավաբանական հասցեները

«Վարչական շրջան»

Էրեբունի վարչական շրջանի ղեկավարի
աշխատակազմ

ք. Երևան, Սասունցի Դավթի փ. հ. 87

Կենտրոնական գանձապետարան

ՀՎՀՀ 02593108

Հ/Հ 900025311615

Էրեբունի վարչական շրջանի ղեկավարի
պաշտոնակատար

Հ. Բախյան



/ստորագրություն/

«ՄՄԾ»

Միասնական սոցիալական ծառայություն

ք. Երևան Նալբանդյան 13

ՀՀ ՖՆ աշխատակազմի գործառնական վարչություն

ՀՎՀՀ 02505511

Հ/Հ 900011556355

Միասնական սոցիալական

ծառայության գլխավոր քարտուղար

Ա. Աղաբաբյան



/ստորագրություն/